

北道刊誤志 乘輶錄
北轅錄 北行日錄



Z121

1

311 北

道
刊
誤
志

王
璣
撰

中
華
書
局

叢書集成初編

北道刊誤志（及其他三種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之二

統一書號：ISBN7-101-00894-1/K·367

此據守山閣叢書
本排印初編各叢
書僅有此本

北道刊誤志

宋王瓘撰 金山錢熙祚錫之校

東京開封府禹貢兗豫二州之域。饒舒也。言裏中和之氣性安舒也。周邯鄲衛三國之地。商畿內地。周分爲三。北謂之邯。南謂之鄲。東謂之衛。詩邯曰在浚之下。鄲曰在浚之郊。衛

曰。瞻彼淇澳。後又屬鄭戰國時魏都焉。史記魏惠王三十一年。徙治大梁。漢書曰魏一號梁。秦隸三川郡。漢文帝十二年封子武爲梁王。都

大梁。武即孝王。後徙治睢陽。武帝元狩元年置陳留郡。留屬陳。故稱陳留。縣十七。陳留小黃。小黃在陳留縣東北。成安寧陵雍邱酸棗東昏

襄邑外黃。魏郡有內黃。故加外縣有黃溝。故名。封邱長羅尉氏偃陵長垣平邱濟陽浚儀王莽以益歲以南村新平雍邱以東

付陳定封邱以東付治亭。陳留以西付祈隧。陳留園縣。莽改曰益歲。新平故淮陽。陳定故梁郡治亭。故東郡祈隧。故梁陽。陳留無復有那矣。後漢陳留

郡十七城。陳留浚儀尉氏雍邱襄邑外黃小黃東昏濟陽平邱封邱酸棗長垣已吾。寶字記。已吾城在寧陵縣東南。考城圍

城扶溝三國時屬魏。晉爲陳留國。縣十。小黃浚儀封邱酸棗濟陽長垣雍邱尉氏襄邑外黃。自漢至晉並

兗州、刺史所部。東魏天平元年，置梁州，治大梁城，領郡三：陽夏、開封、陳留。陽夏郡治雍邱，縣五：陽夏、雍邱、濟陽、圍城、襄邑。開封郡治開封，縣二：開封、尉氏。陳留郡治浚儀，縣三：浚儀、封邱、小黃。北齊併開封郡入陳留郡。後周大象元年，改梁州爲汴州，以城臨汴水爲名。隋開皇初，廢陽夏、陳留二郡。大業初，又廢汴州，分其地入滎陽、濟陰、潁川、梁東等郡。唐武德四年，王世充平，於浚儀縣置汴州總管府，領汴、洧、杞、陳、四州。今尉氏、武德四年置杞州，今雍邱，隋開皇十六年置。大業初廢。武德四年置，至正觀元年並廢。○元年下原衍二年二字，據新唐書地理志刪。汴州縣五：浚儀、新里、開封、封邱、小黃。一作七年改

爲都督府。縣五：浚儀、雍邱、陳留、中牟、尉氏。正觀元年，隸河南道。景雲二年，爲中都督府，領宋、豫、滑、許、陳、潁、七州。尋罷。開元二十一年，置採訪使，此爲河南採訪使治所。唐每道置採訪使，如漢刺史之職。河南治汴州。天寶初，改爲陳留郡。縣

六：浚儀、開封、尉氏、封邱、雍邱。○原脫二字，據新唐書地理志補。

陳留，乾元元年復爲汴州。建中二年，置宣武軍節度使，領汴、

宋、潁、毫、四州。梁開平元年爲開封府。按五代史，縣十五。開封、浚儀、陳留、雍邱、封邱、尉氏、酸棗、長垣、中牟、陽武、

襄邑、戴邑。古戴國也，漢以爲首縣。韋帝惡其名，改曰考城。扶溝、臨陵、太康。後唐同光初，復爲汴州宣武軍，縣十：浚儀、開封、封邱、陳留、雍

邱尉氏陽武長垣扶溝考城晉天福三年復爲開封府領縣如梁制。按天福三年十月汴州升爲東京置開封府皇朝建隆四年領

縣十六益東明咸平五年置咸平縣大中祥符二年改浚儀爲祥符廂八坊一百二十

府境。東西三百八十里南北二百四十五里

分塋。周禮保章氏。嫫毘衛也。壽星鄭也。漢書天文志房心豫州地理志曰魏地翳。音弋。參之分塋衛

地營室東壁之分塋。漢書曰梁爲大國居天下膏腴北界泰山西至高陽四十餘城。

戶口。戶十六萬七千一百九十四口二十六萬四千二百五十二。漢武帝陳留郡戶二十九萬六千二百八十四口一百二十萬九千五百五十唐天寶初陳留郡

戶十萬九千八百七十六口五十七萬七千五百七

唐貢絹今酸棗中牟貢酸棗仁麻黃。附物產張載七命曰大梁之黍水經注曰國多池沼地中出神劍

其民象而作之號大梁氏劍

風俗。河圖曰兗豫宮徵合平靜有慮人聲端其泉甘又陳留風俗傳曰。漢儀郎園稱陳留風俗傳三卷人多髦俊通儒

術，雜以游俠施與，有魏公子遺風，故其人難動以非，易感以義。

城池。舊城周二十里一百五十五步。唐建中二年築。按汴州記。李勉重築。

南面三門。朱雀。梁曰高明。晉曰蕭風。太平興國四年改曰朱雀。保康。大中祥符五年建。崇明。周曰興禮。太平興國四年改崇明。

東面二門。麗景。梁曰觀化。晉曰仁和。太平興國四年改曰麗景。望春。梁曰建陽。晉曰迎春。周曰和政。太平興國四年改曰望春。

西面二門。宜秋。梁曰開明。晉曰金義。太平興國四年改曰宜秋。閭闔。梁曰乾象。晉曰乾明。後更曰千秋。太平興國四年改曰閭闔。

北面三門。景龍。梁曰興和。晉曰元化。元字避聖祖名。太平興國四年改曰景龍。安遠。梁曰含耀。晉曰寧陽。太平興國四年改曰安遠。天波。舊曰大安。太平興國四年改曰天波。

新城周四十八里二百三十三步。周顯德三年築。

南面五門。南薰。周曰景風。宣化。周曰朱明。安上。周曰長景。已上並太平興國四年改今名。普濟。惠民河上水門。太平興國四年賜名。廣利。惠民河東

水門。太平興國四年賜名。

東面五門。

朝陽。周曰含輝。

周曰含輝。已上並上善。汴河南水門。事見開遠門注。

通津。

汴河東水門。太平興國四年賜名。舊傳常號通津爲廣津。咸通爲善利。大通爲順濟。通天爲寧德。蓋避章

獻太后家諱。今悉還故名。○案原目五門。今闕其一。當是咸通玉海百七十四作善利。

西面五門。

順天。周曰開遠。

周曰開遠。開遠上善二門。舊經云。太平興國四年改觀。而國朝會要皆不載。

金耀。

周曰肅政。與順天並。太平興國四年改今名。

大通。

汴河四水門。

咸豐。

廣濟河上水門。已上並太平興國四年賜名。

平興國四年賜名。

北面四門。

景陽。周曰長景。

永泰。周曰慶景。

通天。周曰元德。

已上並太平興國四年改今名。

安肅。

太平興國四年賜名。

廂。左第一城東。左第二城西。右第一城南。右第二城北。

坊。太平。義和。安業。廣利。寶積。宣平。興寧。觀德。明德。嘉善。景寧。惠政。興禮。信陵。汴有信陵亭故名。

龍華。昭德。福善。延德。崇濟。興道。光德。宜春。樂遊。延康。惠和。建初。大和。景明。甘泉。崇仁。保和。

靖安。昭慶。嘉德。廣福。興國。宣化。新昌。常樂。光化。利仁。岳壘。敦義。全順。壽昌。汴有啓聖院。太宗誕聖之地。故曰壽昌。

嘉平。益德。永濟。清和。顯仁。春明。汴陽。崇善。宣陽。安仁。建隆。延秋。咸寧。惠寧。

崇義。降安。慶成。興化。顯安。延禧。永豐。豐安。義康。順成。善利。安遠。宣義。景福。保義。順政。崇節。

韓寧。奉化。歸德。大寧。崇禮。廣濟。敦教。敦教。汴有國子監故名。

建寧。韓惠。永和。景平。昭化。敦化。

武城（坊有武成王廟故名）景耀。永泰。建平。長慶。清化。光慶。永昌。敦信。永安。寧遠（汴有夷門山。舊坊曰夷門。大中祥符改今名）昌樂。永寧。永平。豐義。崇慶。安興。延慶。瑞應。咸宜。安定。崇化。保安。泰寧。嘉慶。保寧。永順。延福。昭善。安化。

晉呂豫爲陳留太守。陳留爲大郡。號稱多士。琅邪王澄行經其界。豫遣吏迎之。澄問吏曰。此郡人士爲誰。

曰。有蔡子尼。江應元。蔡克。江統。是時郡人多居大位者。澄以其姓名問曰。甲乙等非君郡人邪。吏曰。是也。曰。然

則何以但稱此二人。吏曰。向謂君侯問人。不謂問位。澄笑而止。到郡以吏言謂豫曰。舊名此郡有風俗。果然小吏亦知如此。

人物。魏段干木。公子無忌。信陵君。昭王時。隱士侯羸。朱亥。張儀。秦尉繚。漢張耳。陳餘。唐崔顥。

張士嚴。父亡。隱。有虎狼依之。汴女李。州里欽其孝。武后時詔表門閭。

赤開封縣本漢縣。功臣表。高帝十一年。陶舍封開封侯。屬河南郡。今縣南五十里。開封故城。卽漢治所。晉屬滎陽郡。東魏於此置開封郡。北齊天保

七年廢。隋縣省。開封六年復屬汴州。煬帝改隸滎陽郡。唐武德四年復置汴州。以縣屬焉。正觀元年省入

浚儀。延和元年析浚儀十四鄉尉氏三鄉復置。後爲望縣。梁開平初升爲赤縣。中國名曰赤縣神州。張衡靈憲圖曰崑崙東南有赤縣神州。風雨有

時寒暑有節。左思魏都賦曰神州之略赤縣之設。遷於仁和門內。按此錄前載龍泉門梁曰觀化。晉曰仁和而此言梁遷于仁和門內恐誤。後唐同光中降爲望縣。晉天福三年自

洛都汴復升爲赤縣。皇朝開寶三年徙于今治。按唐以開封治東界今縣本倉事具開寶中范園修縣記。

廂。京東第一。第二。第三。坊。安節。明義。清明。含輝。務本。嘉豫。園苑池。宜春苑。玉津園。

京南。

國子監建隆三年重修。有文宣王殿。其後建閣以藏太宗御書。又有真宗御製御書碑二。其一祥瑞論。勸政論。俗吏辯。其一崇儒術。

論爲君難爲臣不易論。修監碑翰林學士承旨陶穀撰。太學在其東。

景靈宮在太平坊。大中祥符八年置。正殿曰天興。有奉眞。孝嚴。英德。三殿。以奉三宗聖容。又有章懿太后

廣孝殿。宮之東隅建碑刻景靈宮讚并序。眞宗御製御書。按景靈宮頌及奉眞殿醮獻記並劉筠撰。奉眞山亭記晏殊撰。奉眞殿瑞燈詩序盛度撰。崇先觀在

曰壽星。本上清宮壽星殿。慶歷三年火。此殿獨存。因以爲觀。嘉祐七年更今名。有永崇殿。以奉眞宗聖容。

集禧觀。舊曰會靈。大中祥符七年置。以皇祐五年火。更今名。正殿曰奉神。殿之東廡有奉神述碑。眞宗御

製御書并篆額仁宗親謄篆額于石

按奉神述紫雲華寫碑陰文梁適撰又有神藻殿以藏真宗御製

有奉真園芳華園凝祥池

禮泉觀舊曰祥源觀天禧二年置以至和元年火更今名正殿二前曰寧聖後曰感通其西涵清殿有湧

泉飲者疾多愈有靈嬉園

奉先資聖禪院乾德二年置有宣祖昭憲皇后慶基殿大相國寺唐延和元年立今額

本北齊大遼國寺後廢唐爲欽州司馬鄭審之

宅因疾施爲招提坊復置寺審宗以舊封相王改曰相國事具汴州記一云鄭景之宅

至道中增修

修寺記宋白撰

太宗御題額

手額記呂夷簡撰

正殿北資聖閣

按寺舊有重閣高三百尺

敵揚州西靈塔唐大順初災後唐長興二年復修構咸平中改曰資聖又重樓三門至道元年造

其南仁濟寶奎二殿

東曰仁濟立銅人式并刻賊突圖經于石有仁宗御篆夏竦撰序西曰寶奎有仁宗飛白書章得象篆額公殊撰記

寶奎北有經藏天聖初降眞宗御集

其西法華院有佛牙碑太宗眞宗仁宗御製頌偈贊

按佛牙碑眞昌朝書御製韓琦立石趙鼎篆額王珪撰序并碑又寺之東廡有眞宗御製法音

集箋註題名記

東南隅普滿塔

案普滿塔唐至德中建寺舊有僧惠靈鐫勒像審宗書寺額王溫裝佛并善神吳道子畫文殊維摩李秀刻障日遼思順造排雲閣石抱玉畫壁相車政道畫天王環師畫梵王帝釋僧智鑑這位次

圖世以此爲十絕又有玉階石鑑李邕書韓幹畫亦皆絕倫又據汴州記有田神功半神眞今失其所

塔旁羅漢院有桂籍堂

案新賜第進士多集於此揭碑以刻御詩并題名云寺中又有殷弼院記宋設褒資聖閣新院記李淑

撰。珍堂記。

吳育撰。

明聖觀音禪院。

梁乾化元年置。經藏樓碑。晉徐台符撰。

定力禪院。

本梁廟。後唐同光二年置。天成三年立。今額。誌記。李昉撰。

普淨禪院。

唐長興二年置。晉天福四年立。今額。案遊覺淨院序。陶穀撰。趙

安仁書。

景德寺。本相國寺之東園。周顯德中置寺。六年曰天壽。景德三年改今額。

案舍利塔碑。陶穀撰。

天清寺。在繁臺下。周顯德二年置。在清遠坊。六年徙於此。

三門記。王著撰。

有興慈塔。

開寶中建。

乾明寺。舊曰報先。太平興國三年改今額。乾明。太宗誕節名。後徙無相寺入焉。

修寺碑。李昉撰。

萬龍岡。在縣東南五十里。

兔岡。在縣東北七里。舊云卽梁孝免苑。俗曰免敞岡。

汴河。

案水經。汴水出陰溝。於浚儀縣北。鄆道元注曰。陰溝。漢溝渠也。汴受脩然水。東逕倉垣城。南卽大梁之倉垣亭也。說文云。汴水出陳留浚儀陰溝。東入泗。亦作汴。汴。戴延之四征記曰。二阜山上有二城。東曰東廣武。西曰西廣武。汴從閘中東南流。今泗北征記。

中牟壘下臨汴水。是爲官渡水。張華曰。一渠東南流。經浚儀謂之洪溝。一渠東經陽武爲官渡水。文穎曰。洪溝卽官渡水也。自禹塞滎關。澤開渠以通淮泗。漢平帝時。汴河決壘。明帝永平中。引樂浪人王景使陳利害。賜山海經。河渠書。禹貢圖。詔景與謁者王吳共治渠。起自

滎陽水至于渠海口，景乃十里立一水門，共相回注，無復潰漏之患。宋武帝北征後，復皆湮塞。隋煬帝大業元年，發河南諸郡男女七百萬，更令開導，名通濟渠。西通河洛，南達江淮。杜佑曰：通濟渠，煬帝引河以通江淮，引汴水，卽汴渠也。坤元錄曰：通濟渠者，受黃河，孔穎達曰：汴水自滎陽受河，離水受汴，汴從河出，離從汴出，衆說少異，疑各從所據，故並存之。太宗至道中，參知政事張洎嘗請求汴水源，語在國朝會要。前漢書地理志云：滎陽，顏師古注云：汴水漏池皆在西南，有狼浪渠，首受涉東南至陳，入潁，過郡四行七百八十里，應劭曰：故號國亭是也。師古曰：狼音浪，潁音宕，涉音子禮反，本濟水字。

廣濟河，卽荷水也。括地志：荷澤，在會州濟陰縣東北。

俗曰五丈河。開寶六年，改曰廣濟。

案周顯德六年，發滑毫二州卒，濟五丈河，東流於定陶，入於濟，以通青鄆。

惠民河，自尉氏縣界，經縣入祥符縣界，復過縣境，東南入于蔡。俗曰閼河。開寶六年，改曰惠民。案建隆元年，導閼水與蔡

水合，貫京師，以西南爲閼水，東南爲蔡。

蔡河，在縣南八里。案周顯德六年二月，命韓令坤自京南引閼水入蔡河，以通陳潁水運。

又蔡渠，在縣東南二十里。水經云：蔡水東流至於潁。案六

欽水經所引天下之水百三十七，鄭善長注水經，引其枝流千二百五十二，蔡欽見前漢志，酈道元字善長，後魏人，又據後魏書道元酈範子，撰注水經四十卷。

源出濟腹，自尉氏縣界入縣境，今涸。

浚溝，在縣東北五里。詩曰：爰有寒泉，在浚之下。

案詩注：浚，衛邑，輿地志曰：夷門之下，新里之東，浚水經其北，而舊經不載其源，酈道元以爲浚於大梁北，又曰浚水理或然也。

琵琶溝。在縣南十里。自中牟富戶溝。入祥符縣界。過鹿瀆。自鹿瀆而東。貫建城。甘石二陂。經縣境入尉氏縣界。一曰新渠。以形似琵琶。故名。

案舊經又有渦水。在縣東南三里。引水經云。陰溝東南至涉爲渦水。隋大業三年開。唐正觀十三年。長史柳實續建斗門。引注琵琶溝。今廢。

沙海。戰國策曰。齊欲發卒取周九鼎。顏率說曰。夫梁之君臣欲得九鼎。謀於沙海之上。爲日久矣。卽謂此也。隋文帝疏鑿舊迹。引汴水注之。習舟師以伐陳。今涸。在縣西北十二里。

逢澤。案水經注。魯溝東南入百尺陂。卽古之逢澤也。在縣東北十四里。史記。秦會諸侯逢澤。一名逢池。案通典作逢池。唐天寶六載。改曰福源地。案梁惠王廢逢忌之陂以

賜民。今浚儀逢陂。忘澤。

甘石陂。在縣東南。秦太史甘公所居。亦曰甘城。

蓼隄。在縣東北七里。陳留風俗傳云。漢梁孝王都大梁。以其地下濕。東徙睢陽。益築此隄。至宋睢陽三百里。以近蓼城。故曰蓼隄。案元和郡縣志云。蓼隄。梁孝王所造甬道也。

橋。汴河。延安。通遠。惠民河。龍津。安國。延福。廣津。宣泰。碧淵。

人物 鄭興 鄭冲

倉垣城在縣東北二十里。水經注云：濟水又東逕倉垣城。輿地志云：倉垣城南臨汴水，西北有蒼頡冢，城有列仙臺。案元和姓纂云：地記蒼頡，姓侯，嬴氏。又云：蒼頡居馮翊，又据尚書正義世本云：蒼頡作書，司馬遷、班固、韋昭、宋忠皆云：蒼頡，黃帝之史官也。崔瑗、曹植、蔡邕、索靖皆直云：古之王也。徐璆云：在神農黃帝之間。譙周云：在炎帝之世。衛氏云：當在包犧帝之世。慎到云：在包犧之前。張揖云：蒼頡爲帝王，生於禪通之紀。諸儒之解蒼頡，其說相紕，故悉載以備廣記云耳。

廢新里縣。城在縣東三十里。顧野王輿地志云：夷門之下，新里之東是也。隋開皇十六年，分浚儀置新里

縣。大業二年廢。唐武德四年復。正觀元年又廢。案唐志武德七年廢新里入浚儀，與此異。

吹臺。十道志：大梁有師曠，蒼頡吹臺。漢梁孝王增築曰明臺。孝王常案歌吹於此，亦曰吹臺。按陳留風俗傳云：縣有蒼頡師

曠城，城上有列仙吹臺，梁王增築之。後有繁姓居其側，亦謂之繁臺。梁開平中，嘗閱武於此。又曰講武臺。按喪亂乞活居之，亦謂之乞活臺，見元和郡縣志。

南硯臺。張耳墓，以其形似硯，因名。漢時。

信陵亭在城內。臨汴水。魏公子無忌勝槩之地，俗曰公子亭。傷在相國寺前。大中祥符七年徙於此。北直景鎮

宣。

赤祥符縣本浚儀縣。

按浚儀，古大梁。文穎曰：大梁，亭是也。

顧野王輿地志云：夷門之下，新里之東，浚水經其北，象而儀之，故曰

浚儀。

按水經注云：陳留風俗傳曰：縣北有浚水，象而儀之，故曰浚儀。

帝王世紀云：禹避商均，浚儀，晉地道記云：儀，封人，此縣也。

按論語注曰：儀，蓋衛邑，封人，官名，寰宇記：儀城

在東明縣之西北。

亦爲衛地，漢屬陳留郡，晉屬陳留國，後魏徙大梁城。

東魏天平中，於此置梁州。

隋初屬汴州，煬帝改隸滎陽郡，唐

武德四年，於縣置汴州，自隋陟唐，迄于五代，晉周之間，凡六遷。

按東魏縣在大梁東，至隋始遷城中，既又徙城北，唐置羅城內，移遷州西，其地即今右軍巡院，晉移崇仙坊，屬

遷城北，今班荆館是。

皇朝乾隆中，徙于今治，大中祥符二年，改曰祥符。

按唐以浚儀治四界。

廂，京西第一，第二，第三，京北第一，第二。

坊，天馬，天苑，天泉，金城，開化，乾耀，阜門，福慶，建陽。

瓊林苑，舊曰金鳳園，瑞聖園，舊曰含芳。